



Oleh Presiden Thomas S. Monson

Kepatuhan Membawa Berkah

Pengetahuan kebenaran dan jawapan-jawapan kepada soalan-soalan terbesar kita datang kepada kita apabila kita mematuhi perintah-perintah Tuhan.

Para saudara dan saudariku yang terkasih, betapa bersyukur saya untuk bersama anda pagi ini. Saya meminta iman dan doa-doa anda semasa saya berucap kepada anda.

Sepanjang zaman, para lelaki dan wanita telah mencari pengetahuan dan pemahaman mengenai kewujudan fana ini dan kedudukan dan tujuan mereka di dalamnya, juga bagi cara untuk mendapat kedamaian dan kebahagiaan. Setiap antara kita adalah terlibat dalam pencarian sebegini.

Pengetahuan dan pemahaman ini boleh didapati oleh semua manusia. Ianya terkandung dalam kebenaran-kebenaran yang abadi. Dalam Ajaran dan Perjanjian bahagian 1, ayat 39 }, kita membaca, “Karena lihatlah, dan tengoklah, Tuhan ialah Raja, dan Roh memberikan kesaksian, dan kesaksian itu benar, dan kebenaran tetap tinggal selama-lamanya.”

Seorang penyair terkenal menulis:

Walaupun semuanya di syurga

*dan di bumi hilang atau
binasa,
Kebenaran, jumlah kewujudan,
akan bertahan dalam keadaan
yang paling teruk,
Yang abadi, tidak berubah,
selama-lamanya.¹*

Ada yang akan bertanya, “Di manakah kebenaran sedemikian untuk didapati, dan bagaimana kita boleh mengenalinya?” Dalam sebuah wahyu yang diberikan melalui Nabi Joseph Smith di Kirtland, Ohio, pada bulan Mei 1833, Tuhan mengisytiharkan:

“Kebenaran adalah pengetahuan tentang hal-hal sebagaimana adanya, dan sebagaimana adanya dahulu, dan sebagaimana adanya yang akan datang. . . .

“Roh kebenaran adalah dari Tuhan. . . .

“Dan tak seorang pun menerima kegenapan kecuali dia menaati perintah-perintah-Nya.

“Dia yang menaati perintah-perintah [Tuhan] menerima kebenaran dan

terang, sampai dia dimuliakan dalam kebenaran dan mengetahui segala sesuatu.”²

Betapa hebat janji itu! “Dia yang menaati perintah-perintah [Tuhan] menerima kebenaran dan terang, sampai dia dimuliakan dalam kebenaran dan mengetahui segala sesuatu.”

Pada zaman ini apabila kita mempunyai banyak pengetahuan dan kegenapan injil yang telah dipulihkan, kita tidak perlu mencari kebenaran dalam cara yang belum pernah dilakukan. Bapa Syurgawi yang penyayang telah merancang haluan kita dan memberi panduan yang pasti—iaitu *kepatuhan*. Pengetahuan kebenaran dan jawapan-jawapan kepada soalan-soalan terbesar kita datang kepada kita apabila kita mematuhi perintah-perintah Tuhan.

Kita belajar kepatuhan sepanjang kehidupan kita. Bermula apabila kita masih sangat muda, orang yang bertanggungjawab untuk menjaga kita mendirikan garis panduan dan peraturan-peraturan untuk memastikan keselamatan kita. Kehidupan akan lebih mudah bagi kita semua kalau kita dengan sepenuhnya mematuhi peraturan-peraturan sedemikian. Ramai antara kita, bagaimanapun, belajar melalui pengalaman mengenai kebijaksanaan menjadi patuh.

Semasa saya membesar, setiap musim panas dari awal bulan Julai hingga bulan September, keluarga saya tinggal di pondok di Vivian Park di Provo Canyon di Utah.

Salah seorang kawan baik saya pada masa ceria di lembah dalam itu adalah Danny Larsen. Keluarga dia

juga mempunyai sebuah pondok di Vivian Park. Setiap hari, dia dan saya berjalan-jalan di kawasan itu di mana ada banyak perkara menyeronokkan yang budak-budak lelaki boleh buat. Kami memancing di sungai, mengumpul batu dan benda-benda lain, mengembara, mendaki, dan seronok menikmati setiap minit dalam setiap jam dalam setiap hari.

Satu pagi, Danny dan saya memutuskan bahawa kami mahu membina sebuah unggun api pada petang itu bersama semua kawan kami di lembah dalam itu. Kami cuma perlu mengosongkan sebuah kawasan berdekatan sebuah padang di mana kami semua boleh berkumpul. Rumput bulan Jun yang ada di padang itu sangat kering, dan padang itu tidak sesuai bagi tujuan kami. Kami mula menarik rumput tinggi, merancang untuk mengosongkan sebuah kawasan bulatan yang besar. Kami menarik dengan segenap kekuatan kami, tetapi kami hanya mendapat segenggam kecil rumput-rumput yang degil. Kami tahu bahawa tugas ini akan mengambil sepanjang hari, dan tenaga dan semangat kami sudah berkurangan.

Kemudian, apa yang saya fikirkan adalah penyelesaian sempurna yang masuk akal kepada saya yang baru berumur lapan tahun. Saya berkata kepada Danny, "Semua yang kita perlu adalah membuatkan rumput-rumput ini terbakar. Kita hanya perlu *membakar* sebuah bulatan pada rumput-rumput ini!" Dia segera bersetuju, dan saya berlari ke pondok kami untuk mendapatkan beberapa mancis.

Supaya anda tidak berfikir bahawa kami dibenarkan untuk menggunakan mancis pada umur muda lapan tahun, saya mahu menjelaskan bahawa Danny dan saya dilarang menggunakannya tanpa pengawasan orang dewasa. Kami kedua-duanya telah diberi amaran berkali-kali tentang bahaya api. Namun begitu, saya tahu di mana keluarga saya menyimpan mancis itu, dan kami perlu mengosongkan padang itu. Tanpa berfikir

banyak, saya berlari ke pondok kami dan mengambil beberapa batang mancis, memastikan tiada orang yang melihat. Saya menyembunyikannya dengan cepat di dalam salah satu poket saya.

Saya berlari kembali kepada Danny, gembira kerana di dalam poket saya ada penyelesaian bagi masalah kami. Saya mengingat berfikir bahawa api itu akan terbakar hanya sejauh yang kami mahukan dan kemudian terpadam sendiri dengan ajaibnya.

Saya menggores sebatang mancis pada sebuah batu dan mula membakar rumput bulan Jun yang kering kontang itu. Ia beryala seolah-olah lencun dengan petrol. Pada mulanya, Danny dan saya berasa seronok ketika kami memerhati rumput-rumput itu lenyap, tetapi tidak lama kemudian kami menyedari api itu tidak akan berhenti sendirinya. Kami berasa panik apabila kami menyedari tiada apa-apa yang boleh kami buat untuk menghentikannya. Api mula membakar banyak rumput liar di atas kawasan bukit, membahayakan pokok-pokok pain dan semua benda lain di dalam laluanannya.

Akhirnya kami tiada pilihan tetapi berlari mencari bantuan. Tidak lama selepas itu, semua orang yang boleh didapati di Vivian Park berlari ulang alik dengan karung kain terpal basah, cuba menghentikan api itu. Selepas beberapa jam, bara api yang terakhir pun berhenti. Pokok-pokok pain yang telah hidup berkurun-kurun lamanya diselamatkan, begitu juga rumah-rumah diselamatkan.

Danny dan saya telah belajar beberapa pelajaran yang sukar, tetapi penting, pada hari itu—seperti kepentingan kepatuhan.

Adanya peraturan-peraturan dan undang-undang untuk memastikan keselamatan jasmani kita. Begitu juga, Tuhan memberi garis panduan dan perintah-perintah untuk memastikan keselamatan rohani kita supaya kita boleh berjaya memandu arah kewujudan fana ini yang sering berbahaya

dan akhirnya kembali kepada Bapa Syurgawi kita.

Berabad yang lalu, Samuel dengan berani mengisytiharkan kepada orang yang diajar banyak tentang korban haiwan bahawa "mendengarkan lebih baik dari pada korban sembelihan, memperhatikan lebih baik dari pada lemak domba-domba jantan."³

Pada zaman keagamaan ini, Tuhan mengungkapkan kepada Nabi Joseph Smith bahawa Dia memerlukan "hati dan suatu pikiran yang rela; dan yang bersedia dan yang patuh akan mema-kan yang baik dari tanah Sion pada zaman terakhir ini."⁴

Semua nabi, kuno dan masa kini, telah mengetahui bahawa kepatuhan adalah penting untuk keselamatan kita. Nefi mengisytiharkan, "Aku akan pergi dan melakukan apa yang telah Tuhan perintahkan."⁵ Walaupun orang lain teragak-agak dalam iman dan kepatuhan mereka, Nefi tidak pernah sekalipun gagal melakukan apa yang Tuhan meminta darinya. Banyak generasi telah diberkati sebagai hasilnya.

Cerita Abraham dan Ishak adalah cerita yang sangat mengilhamkan tentang kepatuhan. Pasti sangat susah bagi Abraham, dalam mematuhi perintah Tuhan, membawa anaknya yang terkasih, Ishak, ke tanah Moria untuk memberikan dia sebagai korban. Bolehkah kita membayangkan kesedihan Abraham semasa dia pergi ke tempat yang ditetapkan itu? Pasti seksaan batin itu membuat tubuh dan minda dia berasa sangat sakit semasa dia mengikat Ishak, meletakkan dia di atas altar, dan mengambil pisau untuk membunuhnya. Dengan iman yang tidak tergoyah dan kepercayaan penuh kepada Tuhan, dia memberikan respons kepada perintah Tuhan. Betapa agung pengumuman tersebut, dan Abraham pasti sangat gembira apabila dia mendengarnya: "Jangan bunuh anak itu dan jangan kau apa-apa dia, sebab telah Kuketahui sekarang, bahawa engkau takut akan Tuhan, dan engkau tidak segan-segan untuk menyerahkan anakmu yang tunggal kepada-Ku."⁶

Abraham telah dicubai dan diuji, dan kerana kesetiaannya dan kepatuhannya, Tuhan memberikannya janji hebat ini: “Oleh keturunanmulah semua bangsa di bumi akan mendapat berkat, kerana engkau mende-ngarkan firman-Ku.”⁷

Walaupun kita tidak diminta untuk membuktikan kepatuhan kita dalam cara yang dramatik dan amat menyedihkan sepertinya, kepatuhan adalah diperlukan dari kita juga.

Presiden Joseph F. Smith mengisytiharkan pada bulan Oktober 1873, “Kepatuhan adalah hukum pertama dari syurga.”⁸

Presiden Gordon B. Hinckley berkata, “Kepatuhan kepada ajaran-ajaran Tuhan adalah sangat penting bagi kebahagiaan Orang Suci Zaman Akhir, kedamaian mereka, kemajuan mereka, kemakmuran mereka, dan keselamatan abadi dan kemuliaan rakyat ini.”⁹

Kepatuhan adalah sifat biasa bagi nabi-nabi; ia telah memberikan kekuatan dan pengetahuan kepada mereka sepanjang zaman. Adalah penting bagi kita untuk menyedari bahawa kita, juga, berhak untuk sumber kekuatan dan pengetahuan ini. Kita boleh mendapatnya dengan mudah hari ini apabila kita mematuhi perintah-perintah Tuhan.

Sepanjang kehidupan saya, saya telah mengenali ramai orang yang sangat beriman dan patuh. Saya telah diberkati dan diilhami oleh mereka. Saya mahu berkongsi bersama anda cerita tentang dua orang sebegini.

Dahulu, Walter Krause adalah seorang anggota Gereja yang setia, bersama keluarganya, tinggal di tempat yang dikenal sebagai Jerman Timur selepas Perang Dunia Kedua. Walaupun dia mengalami kesusahan kerana kekurangan kebebasan di kawasan itu pada masa itu, Saudara Krause seorang yang mengasihi dan melayani Tuhan. Dia dengan kesetiaan dan dengan lengkap memenuhi setiap tugas yang diberikan kepada dia.

Seorang yang lain, Johann Denndorfer, yang berasal dari

Hungary, masuk ke Gereja ini di Jerman dan dibaptiskan di sana pada tahun 1911 pada usia 17 tahun. Tidak lama selepas itu dia pulang ke Hungary. Selepas Perang Dunia Kedua, dia mendapati dirinya hampir menjadi orang tahanan di negaranya, di kota Debrecen. Kebebasan juga telah diambil daripada rakyat Hungary.

Saudara Walter Krause, yang tidak mengenali Saudara Denndorfer, menerima tugas untuk menjadi pengajar keluarganya dan untuk melawatnya secara tetap. Saudara Krause memanggil rakan pengajar keluarganya dan berkata kepada dia, “Kita telah menerima tugas untuk melawat Saudara Johann Denndorfer. Bolehkah kamu pergi bersama saya minggu ini untuk melawat dia dan memberinya satu pesanan injil?” Dan kemudian dia menambah, “Saudara Denndorfer tinggal di Hungary.”

Rakannya yang terkejut bertanya, “Bilakah kita akan berangkat?”

“Besok,” jawab Saudara Krause.

“Bila kita akan pulang?” tanya rakannya.

Saudara Krause menjawab, “Oh, selepas kira-kira satu minggu—kalau kita *dapat* pulang.”

Dua orang pengajar keluarga itu pun berangkat untuk melawat Saudara Denndorfer, menaiki keretapi dan bas dari Jerman timur laut ke Debrecen, Hungary—suatu perjalanan yang panjang. Saudara Denndorfer tidak pernah punya pengajar keluarga sejak sebelum perang. Sekarang, apabila dia melihat hamba-hamba Tuhan ini, dia ditenggelami dengan kesyukuran kerana mereka telah datang. Pada mulanya, dia tidak mahu berjabat tangan dengan mereka. Sebaliknya, dia pergi ke bilik tidurnya dan mengambil dari kabinet kecil sebuah kotak yang mengandungi persepuluhannya yang dia telah kumpulkan selama bertahun-tahun. Dia memberikan persepuluhan itu kepada pengajar keluarganya dan berkata, “Sekarang saya telah memenuhi kewajipan persepuluhan saya kepada Tuhan. *Sekarang* saya berasa

layak untuk menjabat tangan hamba-hamba Tuhan!” Saudara Krause kemudian memberitahu saya bahawa kata-kata tidak dapat menggambarkan betapa emosinya dia merasakan kerana saudara yang setia ini, yang tidak ada hubungan dengan Gereja selama bertahun-tahun, masih dengan patuh dan dengan konsisten mengambil dari gajinya yang kecil 10 peratus untuk membayar persepuluhannya. Dia mengumpulkannya tanpa mengetahui bila atau jika dia akan ada peluang untuk membayar persepuluhan.

Saudara Walter Krause telah meninggal sembilan tahun yang lalu pada usia 94. Dia telah melayani dengan setia dan dengan patuh seluruh kehidupannya dan merupakan satu inspirasi kepada saya dan semua yang mengenali dia. Apabila diminta untuk memenuhi tugas, dia tidak pernah meragui, dia tidak pernah merungut, dan dia tidak pernah memberi alasan.

Para saudara dan saudariku, ujian terbesar dalam kehidupan ini adalah kepatuhan. “Kita akan menguji mereka dengan ini,” firman Tuhan, “untuk melihat apakah mereka akan melakukan segala hal apa pun yang akan Tuhan mereka perintahkan kepada mereka.”¹⁰

Juruselamat mengisytiharkan, “Karena semua yang menghendaki untuk memperoleh berkat dari tangan-Ku hendaknya menuruti hukum yang ditetapkan bagi berkat itu, dan syarat-syarat darinya, yang ditegakkan sejak sebelum pelandasan dunia.”¹¹

Tiada teladan kepatuhan yang lebih baik daripada teladan Juruselamat kita. Paulus berkata tentang-Nya:

“Sekalipun Ia adalah Anak, Ia telah belajar menjadi taat dari apa yang telah diderita-Nya;

“Dan sesudah Ia mencapai kesempurnaan-Nya, Ia menjadi pokok keselamatan yang abadi bagi semua orang yang taat kepada-Nya.”¹²

Juruselamat menunjukkan kasih sejati Tuhan melalui hidup dengan

sempurna, melalui menghormati misi kudus-Nya. Dia tidak pernah angkuh. Dia tidak pernah tertelan dalam kesombongan. Dia selalu setia. Dia selalu rendah hati. Dia selalu ikhlas. Dia selalu patuh.

Walaupun Dia digodai oleh tuan penipuan itu, iaitu iblis, walaupun Dia dilemahkan secara jasmani kerana berpuasa 40 hari dan 40 malam dan berasa lapar, namun apabila iblis menawarkan kepada Yesus perkara yang paling menarik dan menggoda, Dia masih memberi kepada kita teladan kepatuhan yang ilahi dengan menolak menyimpang dari apa yang Dia tahu adalah benar.¹³

Bila Dia mengalami azab di Getsemani, di mana Dia bertahan dengan kesakitan sampai “peluh-Nya menjadi seperti titik-titik darah yang bertetes ke tanah,”¹⁴ Dia adalah teladan sempurna Anak yang patuh

dengan berkata, “Bapa-Ku, jikalau Engkau mau, ambillah cawan ini daripada-Ku; tetapi bukanlah kehendak-Ku, melainkan kehendak-Mulah yang terjadi.”¹⁵

Seperti Juruselamat mengarah para Rasul-Nya yang terawal, Dia juga mengarah anda dan saya, “Ikutlah Aku.”¹⁶ Adakah kita sanggup untuk patuh?

Pengetahuan yang kita cari, jawapan-jawapan yang kita mahukan, dan kekuatan yang kita inginkan hari ini untuk menghadapi cabaran-cabaran dari dunia yang rumit dan berubah boleh didapati oleh kita apabila kita dengan rela mematuhi perintah-perintah Tuhan. Sekali lagi saya mengulang firman Tuhan bila dia berkata: “Dia yang menaati perintah-perintah [Tuhan] menerima kebenaran dan terang, sampai dia dimuliakan dalam kebenaran dan mengetahui segala sesuatu.”¹⁷

Saya dengan rendah hati berdoa bahawa kita boleh diberkati dengan banyak anugerah yang dijanjikan bagi orang yang patuh. Dalam nama Yesus Kristus, Tuhan dan Juruselamat kita, amin.

NOTA

1. “O, Apakah Kebenaran Itu?” *Lagu Rohani*, no. 136.
2. Ajaran Dan Perjanjian 93:24, 26–28.
3. 1 Samuel 15:22
4. Ajaran Dan Perjanjian 64:34.
5. 1 Nefi 3:7
6. Kejadian 22:12
7. Kejadian 22:18
8. Joseph F. Smith, “Discourse,” *Deseret News*, Nov. 12, 1873, 644.
9. Gordon B. Hinckley, “If Ye Be Willing and Obedient,” *Ensign*, Dec. 1971, 125.
10. Abraham 3:25
11. Ajaran Dan Perjanjian 132:5.
12. Ibrani 5:8–9
13. Lihat Matius 4:1–11.
14. Lukas 22:44
15. Lukas 22:42
16. Yohanes 21:22
17. Ajaran Dan Perjanjian 93:28.

Ajaran-ajaran untuk Masa Kita

Pelajaran Imamat Melkisedek dan Lembaga Pertolongan pada hari Ahad keempat akan menumpu pada “Ajaran-ajaran untuk Masa Kita.” Setiap pelajaran boleh disediakan dari satu atau lebih dari satu ucapan yang diberikan pada persidangan umum yang terkini (lihat carta di bawah). Para presiden pancang dan presiden daerah boleh memilih ucapan yang harus digunakan, atau mereka boleh berikan tugas ini kepada uskup dan presiden cabang. Para pemimpin menekankan nilai untuk persaudaraan Imamat Melkisedek dan para saudari Lembaga Pertolongan mengkaji ucapan yang sama pada hari Ahad yang sama.

Mereka yang menghadiri pelajaran-pelajaran hari Ahad keempat digalakkan untuk mengkaji dan membawa ke kelas majalah persidangan umum yang terkini.

Cadangan-cadangan untuk Menyediakan Pelajaran dari Ucapan-ucapan

Berdoalah agar Roh Kudus akan bersama anda bila anda mengkaji dan mengajar ucapan(-ucapan) itu. Anda mungkin akan tertarik untuk menyediakan pelajaran dengan

menggunakan bahan-bahan lain, tetapi ucapan-ucapan persidangan ialah kurikulum yang sudah diluluskan. Tugas anda adalah untuk membantu orang lain untuk belajar dan menghidupkan injil seperti yang diajar dalam persidangan umum Gereja yang terkini.

Kaji semula ucapan(-ucapan) itu, carilah asas-asas dan ajaran-ajaran yang menemui keperluan ahli-ahli kelas. Juga perhatikan cerita-cerita, rujukan-rujukan tulisan suci, dan pernyataan dari ucapan(-ucapan) itu yang akan menolong anda untuk mengajar kebenaran-kebenaran itu.

Buat satu ringkasan tentang cara untuk mengajarkan asas-asas dan ajaran-ajaran itu. Pertimbangkan untuk memasukkan soalan-soalan yang membantu ahli-ahli kelas:

- Carikan asas-asas dan ajaran-ajaran dalam ucapan itu.
- Renungkan maksud mereka.
- Berkongsi tentang pemahaman, idea-idea, pengalaman, dan kesaksian.
- Aplikasikan asas-asas dan ajaran-ajaran itu dalam kehidupan mereka.

BULAN BILA PELAJARAN-PELAJARAN DIAJARKAN	BAHAN PELAJARAN HARI AHAD KEEMPAT
April 2013–Oktober 2013	Ucapan-ucapan yang diberikan pada persidangan umum April 2013*
Oktober 2013–April 2014	Ucapan-ucapan yang diberikan pada persidangan umum Oktober 2013*

** Untuk pelajaran-pelajaran hari Ahad keempat bulan April dan Oktober, ucapan(-ucapan) boleh dipilih dari persidangan lepas atau yang terkini. Ucapan-ucapan ini boleh didapati (dalam banyak bahasa) di conference.lds.org*



Oleh **Presiden Henry B. Eyring**
Penasihat Pertama dalam Presidensi Utama

“Marilah Kepada-Ku”

Melalui firman-Nya dan teladan-Nya, Kristus telah menunjukkan kepada kita jalan untuk mendekat kepada-Nya.

Saya bersyukur untuk berada bersama anda dalam persidangan ini dari Gereja Yesus Kristus Orang Suci Zaman Akhir. Inilah Gereja-Nya. Kita mengambil ke atas diri kita nama-Nya apabila kita masuk ke kerajaan-Nya. Dia adalah seorang Tuhan, Sang Pencipta, dan sempurna. Kita adalah fana yang akan mati dan berdosa. Namun, dalam kasih-Nya bagi kita dan keluarga kita, Dia menjemput kita untuk mendekat dengan-Nya. Inilah firman-Nya: “Mendekatlah kepada-Ku dan Aku akan mendekat kepadamu; carilah Aku dengan tekun maka kamu akan menemukan Aku; mintalah, dan kamu akan menerima; ketuklah, dan hal itu akan dibukakan untukmu.”¹

Pada musim Hari Easter ini, kita diingatkan tentang kenapa kita mengasihi-Nya dan janji yang Dia lakukan kepada murid setia-Nya untuk menjadi kawan terkasih-Nya. Juruselamat membuat janji itu dan memberitahu kita bagaimana, dalam pelayanan kita kepada-Nya, Dia datang kepada kita. Salah satu contoh adalah dalam suatu wahyu kepada Oliver Cowdery pada masa dia melayani Tuhan bersama Nabi

Joseph Smith dalam penterjemahan Kitab Mormon: “Lihatlah, engkaulah Oliver dan Aku telah berfirman kepadamu kerana keinginanmu, kerana itu simpanlah firman ini dalam hatimu. Setialah dan tekunlah dalam mematuhi perintah-perintah Tuhan, dan Aku akan mengelilingimu dalam lengan kasih-Ku.”²

Saya mengalami sukacita dengan mendekati kepada Juruselamat dan sewaktu Juruselamat mendekati kepada saya biasanya melalui tindakan ringkas untuk mematuhi perintah-perintah.

Anda mempunyai pengalaman yang sedemikian. Mungkin itu terjadi ketika anda memilih untuk menghadiri sebuah pertemuan sakramen. Bagi saya, itu terjadi pada hari Sabat semasa saya sangat muda. Pada masa itu, kami menerima sakramen dalam pertemuan waktu petang. Kenangan satu hari 65 tahun lebih yang lalu, ketika saya mematuhi perintah untuk berkumpul dengan keluarga saya dan dengan para Orang Suci, masih mendekatkan saya kepada Juruselamat.

Ianya gelap dan sejuk di luar. Saya ingat merasakan perasaan terang dan

hangat di dalam gereja pada petang itu dengan ibubapa saya. Kami mengambil sakramen, yang ditadbirkan oleh para pemegang Imamat Harun, berjanji dengan Bapa Syurgawi kita untuk sentiasa mengingat Putera-Nya dan mematuhi perintah-perintah-Nya.

Pada akhir pertemuan itu, kami menyanyikan nyanyian rohani “Ya, Tinggallah Besertaku,” dengan perkataan dalamnya “Ya, Yesus tinggal sertaku s’panjang malam ini.”³

Saya merasakan kasih sayang dan kemesraan Juruselamat pada petang itu. Dan saya merasakan penghiburan dari Roh Kudus.

Saya mahu memperbaharui sekali lagi perasaan kasih Juruselamat dan kemesraan-Nya yang saya rasakan pada pertemuan sakramen itu dalam waktu saya kecil. Jadi saya baru-baru saja mentaati satu perintah yang lain. Saya menyelidiki tulisan suci. Di dalamnya, saya tahu bahawa saya dapat sekali lagi mempunyai Roh Kudus yang membenarkan saya merasa apa yang dua orang murid Tuhan yang hidup rasakan ketika Dia menerima jemputan mereka untuk datang ke dalam rumah mereka dan tinggal dengan mereka.

Saya membaca tentang hari ketiga selepas Penyaliban dan pengebumian-Nya. Beberapa orang wanita dan orang lain yang setia menemui bahawa batu digulingkan dari kuburan dan melihat bahawa mayat-Nya tidak berada di sana. Mereka telah datang oleh kerana kasih sayang mereka terhadap-Nya dan untuk mengurapi mayat-Nya.

Dua orang malaikat berdiri dekat dan bertanya mengapa mereka takut, mengatakan:

“Mengapa kamu mencari Dia yang hidup, di antara orang mati?”

“Ia tidak ada di sini, Ia telah bangkit. Ingatlah apa yang dikatakan-Nya kepada kamu, ketika Ia masih di Galilea,

“yaitu bahwa Anak Manusia harus diserahkan ke tangan orang-orang berdosa dan disalibkan, dan akan bangkit pada hari yang ketiga.”⁴

Injil Markus menambah arahan dari salah satu orang malaikat: “Tetapi sekarang pergilah, katakanlah kepada murid-murid-Nya dan kepada Petrus: Ia mendahului kamu ke Galilea; di sana kamu akan melihat Dia, seperti yang sudah dikatakan-Nya kepada kamu.”⁵

Para rasul dan murid telah berkumpul di Yerusalem. Mereka, seperti kita kalau dalam keadaan sebegini, takut dan takjub, semasa mereka berkata bersama tentang apakah erti kematian dan laporan kebangkitan-Nya bagi mereka.

Dua orang murid tersebut berjalan pada petang itu dari Yerusalem di jalan ke Emau. Kristus yang telah bangkit muncul di jalan itu dan berjalan bersama mereka. Tuhan telah datang kepada mereka.

Kitab Lukas membenarkan kita berjalan bersama mereka:

“Ketika mereka sedang bercakap-cakap dan bertukar pikiran, datanglah Yesus sendiri mendekati mereka, lalu berjalan bersama-sama dengan mereka.

“Tetapi ada sesuatu yang menghalangi mata mereka, sehingga mereka tidak dapat mengenal Dia.

“Yesus berkata kepada mereka: Apakah yang kamu percakapkan sementara kamu berjalan? Maka berhentilah mereka dengan muka muram.

“Seorang dari mereka, namanya Kleopas, menjawab-Nya: Adakah Engkau satu-satunya orang asing di Yerusalem, yang tidak tahu apa yang terjadi di situ pada hari-hari belakangan ini?”⁶

Mereka memberitahu Dia tentang kesedihan mereka bahawa

Yesus telah mati ketika mereka telah percaya bahawa Dia akan menjadi Penebus Israel.

Mestilah ada kasih dalam suara Tuhan yang hidup semasa Dia berkata kepada dua orang murid yang berdukacita dan bersedih ini:

“Lalu Ia berkata kepada mereka: Hai kamu orang bodoh, betapa lambannya hatimu, sehingga kamu tidak percaya segala sesuatu, yang telah dikatakan para nabi!

“Bukankah Mesias harus menderita semuanya itu untuk masuk ke dalam kemuliaan-Nya?”

“Lalu Ia menjelaskan kepada mereka apa yang tertulis tentang Dia dalam seluruh Kitab Suci, mulai dari kitab-kitab Musa dan segala kitab nabi-nabi.”⁷

Kemudian datanglah sebuah saat yang telah menghangatkan hati saya sejak saya kecil:

“Mereka mendekati kampung yang mereka tuju, lalu Ia berbuat seolah-olah hendak meneruskan perjalanan-Nya.

“Tetapi mereka sangat mendesak-Nya, katanya: Tinggallah bersama-sama dengan kami, sebab hari telah menjelang malam dan matahari hampir terbenam. Lalu masuklah Ia untuk tinggal bersama-sama dengan mereka.”⁸

Jerusalem menerima pada malam itu jemputan untuk masuk ke rumah murid-murid-Nya yang berdekatan dengan kampung Emau.

Dia duduk untuk makan bersama mereka. Dia mengambil roti, memberkatinya, memecahkannya, dan memberikannya kepada mereka. Mata mereka dibukakan agar mereka mengenali Dia. Lalu Dia lenyap dari pandangan mereka. Lukas mencatat bagi kita perasaan murid-murid yang diberkati itu: “Kata mereka seorang kepada yang lain: “Bukankah hati kita berkobar-kobar, ketika Ia berbicara dengan kita di tengah jalan dan ketika Ia menerangkan Kitab Suci kepada kita?”⁹

Pada jam yang sama itu, dua orang murid ini kembali tergesa-gesa

ke Yerusalem untuk memberitahu sebelas orang Rasul apa yang telah terjadi kepada mereka. Pada saat itu, Jeruselamat muncul sekali lagi.

Dia mengulangi nubuat-nubuat tentang misi-Nya untuk menebus bagi dosa dari semua anak Bapa-Nya dan untuk memecah ikatan kematian.

“Kata-Nya kepada mereka: Ada tertulis demikian: Mesias harus menderita dan bangkit dari antara orang mati pada hari yang ketiga,

“dan lagi: dalam nama-Nya berita tentang pertobatan dan pengampunan dosa harus disampaikan kepada segala bangsa, mulai dari Yerusalem.

“Kamu adalah saksi dari semuanya ini.”¹⁰

Perkataan Jeruselamat juga adalah benar bagi kita seperti bagi para murid-Nya pada masa itu. Kitalah saksi tentang hal-hal ini. Dan tanggungjawab mulia yang kita terima pada masa kita dibaptiskan ke dalam Gereja Yesus Kristus Orang Suci Zaman Akhir dijelaskan bagi kita oleh nabi Alma berabad yang lalu di perairan Mormon:

“Dan terjadilah bahawa dia berkata kepada mereka: Lihatlah, di sinilah Perairan Mormon (kerana demikianlah itu disebut) dan sekarang, kerana kamu berhasrat untuk datang ke dalam kawanan [Tuhan], dan untuk disebut umat-Nya, dan bersedia untuk menanggung beban satu sama lain, agar itu boleh menjadi ringan;

“Ya, dan bersedia untuk berduka nestapa bersama mereka yang berduka nestapa; ya, dan menghibur mereka yang berada dalam [keperluan] akan penghiburan, dan untuk berdiri sebagai saksi bagi [Tuhan] di segala waktu dan dalam segala hal, dan di segala tempat di mana kamu boleh berada, bahkan sampai kematian, agar kamu boleh ditebus oleh [Tuhan], dan terbilang di antara mereka dalam kebangkitan pertama, agar kamu boleh memperoleh kehidupan kekal—

“Sekarang, aku berkata kepadamu, jika ini adalah hasrat hatimu, apa

yang menghalangimu untuk dibaptis dalam nama Tuhan, sebagai suatu kesaksian di hadapan-Nya bahawa kamu telah masuk ke dalam sebuah perjanjian dengan-Nya, bahawa kamu akan melayani-Nya dan menaati perintah-perintah-Nya, agar Dia boleh mencurahkan Roh-Nya dengan lebih berlimpah ke atas dirimu?”

“Dan sekarang, ketika orang-orang telah mendengar perkataan ini, mereka bertepuk tangan kerana sukacita, dan berseru: Inilah hasrat hati kami.”¹¹

Kita di bawah sebuah perjanjian untuk mengangkat mereka yang dalam keperluan dan menjadi saksi-saksi Juruselamat selama kita hidup.

Kita akan mampu untuk melakukannya tanpa kegagalan hanya semasa kita merasakan kasih terhadap Juruselamat dan kasih-Nya terhadap kita. Semasa kita setia pada perjanjian yang telah kita buat, kita akan merasa kasih kita terhadap-Nya. Ia akan ditingkatkan kerana kita akan merasakan kuasa-Nya dan kedatangan-Nya kepada kita dalam pelayanan-Nya.

Presiden Thomas S. Monson telah sering mengingatkan kita tentang janji Tuhan kepada murid-murid setia-Nya: “Dan siapa-siapa yang menerima kamu, di sanapun Aku akan ada, karena Aku akan pergi di mukamu. Aku akan berada di sebelah kananmu dan juga di sebelah kirimu, dan Roh-Ku akan ada di hatimu, dan para malaikat-Ku akan berada di sekelilingmu untuk menghibur kamu.”¹²

Ada suatu cara lagi bagaimana anda dan saya pernah merasa Dia mendekat kepada kita. Semasa kita memberikan pelayanan setia kepada Dia, Dia mendekat diri-Nya kepada mereka yang kita sayangi dalam keluarga kita. Setiap kali saya dipanggil dalam pelayanan Tuhan untuk berpindah atau meninggalkan keluarga saya, saya telah melihat bahawa Tuhan sebenarnya memberkati isteri saya dan anak-anak saya. Dia menyediakan hamba terkasih-Nya serta peluang-peluang untuk menarik keluarga saya lebih dekat kepada-Nya.

Anda pernah merasakan berkat sebegitu dalam kehidupan anda. Banyak dari anda pernah menyayangi orang yang menyimpang dari jalan ke kehidupan abadi. Anda ingin mengetahui apa lagi yang boleh anda lakukan untuk membawa mereka kembali. Anda boleh bergantung pada Tuhan untuk mendekat kepada mereka semasa anda melayani-Nya dalam iman.

Anda ingat janji Tuhan kepada Joseph Smith dan Sidney Rigdon ketika mereka berada jauh dari keluarga mereka kerana pekerjaan-Nya: “Teman-teman-Ku Sidney dan Joseph, keluargamu baik-baik saja; mereka berada dalam tangan-Ku, dan Aku akan memperlakukan mereka yang Aku anggap baik; sebab di dalam-Ku ada semua kekuasaan.”¹³

Seperti Alma dan Raja Mosia, beberapa ibubapa yang setia telah lama melayani Tuhan dan secara hebatnya namun mempunyai anak yang telah menyimpang tanpa mengira pengorbanan ibubapa mereka bagi Tuhan. Mereka telah membuat segala yang mereka dapat tanpa faedah nyata, meskipun dengan bantuan dari teman-teman yang penuh kasih dan setia.

Alma dan para Orang Suci pada masa itu berdoa demi anaknya serta para putera Raja Mosia. Seorang malaikat datang. Doa-doa anda serta doa-doa mereka yang menjalankan iman akan mendatangkan hamba-hamba Tuhan untuk membantu para anggota keluarga anda. Mereka akan membantu anggota keluarga anda untuk memilih jalan untuk kembali kepada Tuhan, meskipun pada masa mereka diserang oleh Setan dan pengikutnya, yang bertujuan untuk menghancurkan keluarga dalam kehidupan ini dan dalam keabadian.

Kamu ingat perkataan yang dikatakan malaikat kepada Alma yang Muda dan para putera Mosia dalam pemberontakan mereka: “Dan lagi, malaikat itu berkata: Lihatlah, Tuhan telah mendengar doa-doa umat-Nya, Alma, yang adalah ayahmu; karena dia telah berdoa dengan banyak iman

mengenai engkau agar engkau boleh dibawa pada pengetahuan tentang kebenaran; oleh karena itu, untuk tujuan ini aku telah datang untuk meyakinkan engkau tentang kuasa dan wewenang [Tuhan], agar doa-doa para hamba-Nya boleh dijawab menurut iman mereka.”¹⁴

Janji saya kepada anda yang berdoa dan melayani Tuhan bukanlah bahawa anda akan menerima setiap berkat yang anda inginkan bagi anda sendiri dan keluarga anda. Tetapi saya boleh berjanji kepada anda bahawa Juruselamat akan mendekat kepada anda serta memberkati anda dan keluarga anda dengan apa yang terbaik. Anda akan mempunyai kedamaian dari kasih-Nya dan merasa Dia menjadi lebih dekat sebagai jawapan pada doa anda apabila anda menghulurkan tangan anda dalam memberikan pelayanan kepada orang lain. Apabila anda memberikan bantuan kepada mereka yang memerlukan dan menawarkan permurnian Korban Tebusan-Nya kepada mereka yang berduka dalam dosa, kuasa Tuhan akan menyokong anda. Lengan-Nya terulur bersama lengan anda untuk menolong dan memberkati anak-anak Bapa Syurgawi, termasuk mereka dalam keluarga anda.

Ada sebuah kepulangan mulia yang tersedia bagi kita. Kita akan melihat janji digenapi dari Tuhan Yesus yang kita sayangi. Dialah yang mengalu-alukan kita ke dalam kehidupan abadi bersama-Nya dan Bapa Syurgawi kita. Yesus Kristus meringankan itu dalam cara ini:

“Usahakan untuk membawa dan menegakkan Sion-Ku. Patuhilah perintah-perintah-Ku dalam segala hal.

“Dan jika engkau mematuhi perintah-perintah-Ku dan bertahan sampai akhir, engkau akan memiliki hidup yang kekal, yaitu karunia yang terbesar daripada segala karunia [Tuhan].”¹⁵

“Karena mereka yang hidup akan mewarisi bumi, dan mereka yang mati akan beristirahat dari semua pekerjaan mereka, dan perbuatan

mereka akan mengiringi mereka; dan mereka akan menerima mahkota di dalam rumah Bapa-Ku, yang telah Aku persiapkan bagi mereka.”¹⁶

Saya bersaksi bahawa kita boleh melalui Roh Kudus, mengikuti jemputan Bapa Syurgawi: “Inilah Putera-Ku yang Kukasihi. Dengarkanlah Dia!”¹⁷

Melalui firman-Nya dan teladan-Nya, Kristus telah menunjukkan kepada kita jalannya untuk mendekati kepada-Nya. Setiap anak Bapa Syurgawi yang telah memilih untuk masuk melalui gerbang pembaptisan ke dalam Gereja-Nya akan mempunyai peluang dalam kehidupan ini untuk diajarkan mengenai Injil-Nya dan untuk mendengar jemputan-Nya dari para hamba-Nya yang dipanggil, “Marilah kepada-Ku.”¹⁸

Setiap hamba-Nya yang mengikat perjanjian dengan-Nya dalam kerajaan-Nya di bumi serta di dunia roh akan menerima bimbingan-Nya dari Roh semasa mereka memberkati dan

melayani orang bagi-Nya. Dan mereka akan merasakan kasih-Nya dan memperoleh sukacita dalam mendekati kepada-Nya.

Sayalah seorang saksi Kebangkitan Tuhan sepasti seperti jika saya berada di sana pada petang itu bersama dua orang murid itu di rumah di jalan Emau. Saya tahu bahawa Dia hidup sepasti seperti Joseph Smith apabila dia melihat Bapa dan Putera dalam cahaya suatu pagi yang terang di sebuah hutan kecil di Palmyra.

Inilah Gereja Yesus Kristus yang benar. Hanya dalam kunci-kunci keimamatan yang dipegang oleh Presiden Thomas S. Monson terdapatnya kuasa bagi kita untuk dimeteraikan dalam keluarga dan hidup selamanya bersama Bapa Syurgawi dan Tuhan Yesus Kristus. Pada Hari Penghakiman, kita akan berdiri di depan Juruselamat, muka ke muka. Ia akan menjadi suatu masa kebahagiaan bagi mereka yang telah mendekati kepada-Nya melalui pelayanan-Nya dalam

kehidupan ini. Ia akan merupakan suatu kebahagiaan untuk mendengar perkataan: “Baik sekali perbuatanmu itu, hai hambaku yang baik dan setia.”¹⁹ Saya bersaksi demikian sebagai seorang saksi Juruselamat dan Penebus yang hidup dalam nama Yesus Kristus, amin.

NOTA

1. Ajaran Dan Perjanjian 88:63.
2. Ajaran Dan Perjanjian 6:20.
3. “Ya, Tinggallah Besertaku,” *Nyanyian Rohani*, 68.
4. Lukas 24:5–7
5. Markus 16:7
6. Lukas 24:15–18
7. Lukas 24:25–27
8. Lukas 24:28–29
9. Lukas 24:32
10. Lukas 24:46–48
11. Mosia 18:8–11
12. Ajaran Dan Perjanjian 84:88.
13. Ajaran Dan Perjanjian 100: 1.
14. Mosia 27:14
15. Ajaran Dan Perjanjian 14:6–7.
16. Ajaran Dan Perjanjian 59:2.
17. Sejarah—Joseph Smith 1:17.
18. Matius 11:28.
19. Matius 25:21